

P R I O P Ć E N J E

Ured za reviziju institucija u Federaciji Bosne i Hercegovine proveo je reviziju učinka na temu: „**Uspostava i funkcioniranje interne revizije u javnom sektoru u FBiH**“.

Cilj revizije bio je da procijeni efikasnost institucija u uspostavi i planiranju interne revizije, korištenju, te poštovanju propisa za uspostavu funkcionalne interne revizije.

Interna revizija je jedan od temeljnih elemenata dobrog upravljanja organizacijom u javnom sektoru. Predstavlja jednu od tri komponente Javne interne finansijske kontrole, čija primjena treba da osigura nadzor nad transparentnim korištenjem javnih sredstava i učinkovitosti javne uprave.

Svrha ove revizije bila je ukazati na značaj interne revizije u javnom sektoru u FBiH. Institucije su trebale iskoristiti rezultate rada interne revizije, te tako unaprijediti proces poslovanja organizacije. Time bi lakše ostvarile svoje namjere, te na sistematičan i uređen način pristupile procjeni i unaprjeđenju efektivnosti procesa upravljanja rizicima, kontrolnih procesa i procesa upravljanja organizacijom.

Ispitivanje je fokusirano na vremensko razdoblje od 2013. do 2014. godine. Fokus revizije se odnosio na aktivnosti institucija/korisnika proračunskih sredstava na federalnoj razini.

Nalazi provedene revizije ukazuju da institucije u FBiH *nisu poduzele adekvatne mjere* na uspostavljanju funkcionalne interne revizije. *Jedinice interne revizije kod većine proračunskih korisnika u javnom sektoru FBiH ne rade sukladno zakonskim propisima i standardima*. Značajan broj uspostavljenih jedinica za internu reviziju nije funkcionalan, zbog toga što nisu kadrovski popunjena sistematizirana radna mjesta internih revizora, ili su uposlenici uz internu reviziju obavljali i druge poslove. U mnogim institucijama nisu ispoštovane obveze donošenja strateškog i godišnjeg plana aktivnosti interne revizije, kojim bi se utvrdile oblasti od najveće važnosti za provođenje aktivnosti interne revizije. Isto tako, određeni broj uspostavljenih jedinica za internu reviziju nije sačinio godišnje izvješće o internoj reviziji.

Sadašnji položaj interne revizije nije adekvatan njenoj ulozi i značaju, te se vrlo često rezultati interne revizije ne koriste od strane rukovodstva kod donošenja poslovnih odluka i za potrebe procjene načina odgovora na poslovne i druge rizike.

Funkcionalna interna revizija garant je transparentne i odgovorne javne administracije. Svojim objektivnim pristupom i nepristranim rezultatima je vrlo značajna funkcija za praćenje poslovnih procesa, ocjenu internih kontrola i rizika organizacije.

Izvješće u cijelosti možete pročitati [ovdje](#).